

10. **D. Tuerckheimii** Kränzl. n. sp. — Caules pauci, simplices, certe penduli, leviter fractiflexi, leviter compressi, polyphylli et basin usque foliati, ad 30 cm longi, 3 ad 4 mm lati, vaginae foliorum 4 ad 4,5 mm latae, in dorso modice compressae, non proprie carinatae, ad 5 mm longae, haud articulatae, laminae ligulatae, haud deciduae, modice acutatae apiculataeque, leviter reflexae, 2 cm longae, 6 mm latae, pedunculi solitarii axillares, ex axillis superioribus orientes, basi vaginula 1 (vel 2?) brevissima, acuta vestiti, bractea 1 ovata, acuta, ovarium hispidum subcelante praediti, ad 1 cm longi. Sepala lanceolata, acuta, dorsale concavum, lateralia paulum obliqua, fere 1 cm longa, medio circ. 2 mm lata. Petala oblongo-lanceolata, acuta, 8 ad 9 mm longa, medio 2 mm lata vel paulo latiora. Labellum breviter unguiculatum, toto ambitu potius deltoideum quam rhombeum, utrinque in lobulos longe lineares reflexos auctum, antice rotundato-triangulum, acutum, totum labellum ad 7 mm longum, 8 ad 9 mm latum, sub anthesi complicatum, difficile explanandum. Gynostemium brevissimum, anthera antice subbilobula. — Capsula adhuc ignota.

Zentralamerikanische Provinz. Guatemala (H. v. Tuerckheim!).

Nota. Flores 2 tantum mihi praesto fuerunt haud bene exsiccati, gynostemii characteres me effugerunt, vix illi perigonii satis accurate observandi erant. Differt haec species perigonii phyllis pro rata angustis, labello mihi potius deltoideo viso quam sagittato. Tota planta sicca peculiari modo griseo-viridis est, caules haud ita compressi ut in aliis speciebus et quamvis leviter tamen manifeste fractiflexi. Differt toto aspectu ab omnibus centenis specimenibus mihi adhuc visis. Capsulas non vidi, ovarium certe hispidum, pilis longis obtectum.